

cationibus ipsius, sicut in anno iudicasti. Significationes tamen revolutionis anni sunt firmiores, & fortiores revolutionibus mensium.

Id quod planeta in radice promiserit, perficiet cum diuisio ad eum peruenierit.

Omnis planeta qui in supra partitione radios projicit ad terminum in quo fuit in radice, eo anno exhibebit quod in radice promisit. Exemplo sit Iupiter habens dominium in revolutione aliqua, puta ut sit diuisor, & iaciat radios ad terminum radicis, & non sit in radice, & revolutione infortunatus, dico si in bono loco fuerit, quod natus ille eo anno, aut coniugabitur, aut filios habebit, aut acquiret diuitias, aut dignitatem, & generatum loquendo fortunam & successum in his, quae natalis hora promiserat.

In ascendentे revolutionis infortuna, uel in signis ascendens aspicientibus, significat impedimentum, & tristias de natura ipsius infortuniae, & signum in quo fuerit.

Quando Luna fuerit fortunata, uel infortunata in revolutione ab aliquo planeta, & peruenierit postea ad corpus ipsius planetae qui fortunauit, uel infortunauit eam, uel ad eius radios per directionem, dando pro quolibet gradu mensem unum, & it pro quolibet die gradum unum, significat bonum uel malum, secundum naturam illius planetae, ut Luna per oppositum Mercurij debilitata in revolutione, si fuerint à Luna in Mercurium 185 gradus, cauere debet sibi natus à periculo post tot dies à die revolutionis.

Si dominus ascendentis revolutionis aspicerit aliquam domum aspectu amicitiae, adducit significationes de natura illius domus.

Quando dominus ascendentis applicuerit alicui planetae existenti in aliqua dormum, uel planeta de domo illa applicuerit domino ascendentis, adducit significationes conuenientes de natura illius domus.

Dominus ascendentis revolutionis, si fuerit in tertia, significat iter. Si in quarta sine aspectu astiterit, non faciet iter illo anno. Si in quinta, filium forte habebit, uel ad eum uenient nuncij, uel xenia, & dona. In sexta, significat infirmitatem, & malum statum. In septima, coniugium, In octava infirmitatem, & malum statum, tristias, carceres, & occupationem ab inimicis. In nona, iter. In decima, ibit ad Regem, In undecima, significat bonum statum, & perueniet natus ad res, quas concupiscit, & diligit. In duodecima, significat infirmitatem, malum statum, tristias, carceres, & occupationem ab inimicis.

Quando Mercurius fuerit dominus anni, & combustus, accident anxietates & impedimenta in computationibus, & mercimonij. Et si Iupiter fuerit hoc modo, significat damnum in lege sua, accidente res turpes, & malae. Ethoc modo etiam de natura Saturni, Martis, & Veneris iudicabis.

Quando aliqua infortuna receperit Lunam de trino uel sextili in revolutione, significat bonum, & profectum de proprietatibus, & naturis ipsius infortuniae. Etsi receptio illa fuerit de quadrato, uel opposito, non durabit ille profectus, & erit eius finis in malo, & damno.

Quando in revolutione fuerit applicatio ad aliquod signum in quo fuit in radice aliquis planeta siue fortuna, uel infortuna, & postea in eadem revolutione ipse planeta aspicerit ipsum signum, uerificat, & affirmat res quas significauerat in radice de bono, uel malo. Et si non aspicerit signum, & fuerit cadens ab eo, illae significationes eius, siue fortunae, uel infortuniae, quas dederat in radice, non apparebunt in illare uolutione.

Melius quod esse possit revolutione est, quando planeta dominator in anno intrauerit angulos, & fuerit receptus in eodem angulo, projiciens radios ad fortunam, quae sit ascendens & fortis, quia hoc significat bonum successum & prosperitatem illo anno. Tamen si planeta dominator fuerit infortunatus, separatus ab angulis,

Kk iij non res